

•王雲五主編•

特

號

聖安本紀

上冊

顧炎武撰

臺灣商務印書館印

顧炎武撰

聖安本紀
上册

臺灣商務印書館發行

復刊人人文庫序

人人文庫自民國五十五年始刊，迄六十二年終刊成者計達一千五百餘種。中分單號雙號及特號三種。單號每冊八元，雙號十二元，特號二十元。其種數之多，定價之廉，冠於全國。及六十二年秋後，紙張價格奇漲，且不易得，其他工料莫不稱是。人人文庫原以廉價爲主，隨成本而增價，殊違本旨，不得已於六十三年元月始暫停新書之印行，即原已出版各書亦以售罄爲止，暫不重版。今歲三四月以來紙價工價雖平均較前增長百分之一百五十，然已漸趨穩定，籌謀再四，決從五月起，仍予復刊，每月新刊暫定爲十種，其原出各書，銷數較廣者，仍予重版，以應讀者需求。書價姑定爲單號每冊十二元，雙號十八元，特號三十元，所增雖僅百分之五十，而以視工料之增長百分之一百五十者，仍稍虧損在所不惜。

復刊以後，選材益加審慎，範圍亦日廣，除與英國之人人文庫比擬，且後來居上。關於新知識之介紹仍略仿英國家庭大學叢書。又復刊新書之編著悉與原刊蟬聯

，設印刷工料不再增長，則由原刊之千五百餘種，不難與時並進，遞增至數千種，乃至萬種，使青年學子得以廉價盡讀有用之書，此則所殷望也。

又除單號雙號每種仍維持一冊外，特號因多載名著，爲存其真，必要時得分訂爲二冊以上，如十九世紀歐洲思想史卽其一例也。

中華民國六十三年五月一日王雲五識

聖安本紀小序



燕京失守 先帝以身殉 宗廟社稷南都

諸臣擁戴福藩以正大統 誠枕戈待

旦之秋臥薪嘗胆之會也 武諸臣

各靖共乃心共獎王室司戢 報

仇戮力致討毋有二心也履戒仁 咸曰必

討賊共翦滅此而朝食也將奮其武怒以報

其大恥庶幾沙陀之三矢可以復命秦牆之
七日邀與同仇矣而無如貴陽青田輩背公
植黨罔上行私忽先帝之大慈恣一己之
愛憎首翻欽案汲引群奸遂致行都之坐
席泰煖長江之天險已失權奸誤國千古同
揆可勝嘆哉予自遭崑城之屠列在官討者
幸荷寬政而托在至戚者反罹密網予然數

口辟跡深山吸風茹霜莫可訴語窮愁無聊
之餘漫檢破笥偶存聖安事畧一冊見其間
邪說充塞黑白倒置儼然崔魏重生虎彪繼
起竊恐訛以傳訛誤當年之見聞者小而淆
千古之是非者大用是不揣倣朱子綱目之
例記事之後僭加發明又倣附錄之條以存
事蹟之備考者極知夏蟲語冰井蛙見謁要

以見匹夫匹婦之公是公非固有所不可得而
泯滅者若曰以管窺康侯而顧學紫陽則吾
豈敢 崑山遺民寧人氏顧炎武書于考槃
之南雪菴

聖安本紀卷之一

崑山遺民顧炎武著

甲申年毅宗烈皇帝崇禎十七年夏四月戊
午朔南京兵部尚書史可法等誓師勤王

是時有傳京師失陷者衆
疑信相半兵部尚書史可法
同南京右都御史張慎言
戶部尚書高弘圖工部尚書
程註兵部右

侍郎呂大器署翰林院少詹事姜曰廣太
常寺卿何應瑞應天府尹劉士楨鴻臚寺
卿朱之臣太僕寺丞姚思孝給事中李佔
羅萬象御史鄧維經陳良弼周元泰米壽
圖王孫蕃朱國昌等誓告天地號名天下
臣民起義勤王

發明

書曰誓師勤王何緩辭也陪京向稱重地
兵馬整飭有素一聞賊逼京師之信即當
星馳赴援奮不返顧今先帝大行旬餘
日矣至是始議勤王於被髮纓冠之義何
居齊桓公救邢次于聶北春秋識之識救
邢之不速也況君父之難乎律以春秋之
法所謂不待貶而罪自見者乎

附錄

時各鎮逃無南下江北震恐漕撫路振飛
即分兵防堵令副將金声桓守徐州周士
鳳守泗州周原敬守清口至是振飛曾淮
安七十二坊各集義兵每坊率生員二人
一為坊長一為副躬自操演日則團練夜
則魚貫巡邏以備非常

淮揚巡按御史王燮執偽官鞏克順誅之

賊還淮安知府鞏克順至清口坊兵執之
以獻燮即斬以徇衆時燮自任守河漕撫
路振飛守淮士民恃以無恐是月二十七
日振飛集義兵大閱奉人湯調鼎咸易戎
服從事

癸明

書執偽官何執其所當執也。亂臣賊子人
人得而誅之。王變此章不愧其賊矣。故書
以予之。

勅賊總兵高傑劉澤清率兵南下

時傑領兵徐州。澤清領兵宿遷。各言南
侵。淮民大懼。迎按王變。自謂與澤清有舊。
輕身詣之。初其廻轅北上。澤清不允大

云即不擾淮安請假道赴揚州變不可曰
萬不得已迂道從天長六合行則非我所
知也澤清允之淮安得免塗炭

發明

其書南下何不當下也傑等受討賊之責
既不能勦而垂使揚州公行無忌可惡甚
矣故書其官以著其罪

十五日壬申提漕史撫戶部侍郎路振飛
按御史王燮執偽官呂弼周誅之

偽防禦呂弼周以偽啓致王燮欲赴任遊
擊駱韋佯迎之於中途執以解燮叱使跪
弼周曰人也不認燮曰亂臣賊子我認得
誰今但知有國法耳燮弼周門生也燮細
鞠其事賊及聖上東宮所在弼周一字

不谷鮮至軍門路振飛縛弼周於柱幸觴
旁駱韋晉花旁立集諸善射者立二十步
外五人為耦人發一枝不中者退中者報
名賞銀牌一射者尽乃命剗之衆情大悅
時鹽城守備王某亦獲賊將董學礼及從
者十二人解於軍門悉斬之

發明